



ATASSUT

UPA16/112

Siverth K. Heilmann

05.04.2016

Ilinniarfinni aamma ilinniagaqartut ineqarfiini aangajaarniutininik atuisoqartarnersoq pillugu misissuisoqartarnissaa pillugu Inatsisartut inatsisaat nr. xx,xx 2016-imeersoq.
(Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq)

Ikiaroorartumik akiuiniarneq, ilinniarfinni, ilinniartut ineqarfiini kollegia-nilu, akuutissanik tangilinnik ilinniartut atuisinnaanerat pillugu, 1. august 2016-imilu atuutilersussamik Naalakkersuisut inatsisartunut saqqummiussaqaqarnerat, killiffik ilungersunartoq pillugu, imatut ATASSUT-miit oqaaseqarfigissavarput.

Pinaveersaartitsinermik suliniutit ingerlajuaraluartut, Naalakkersuisut ilinniagaqartut taakkualu ilinniarnerminni avatangiisiisa isumannaatsuutinneqarnissaat anguniarlugu saqqummiisariaqalersippaat, ikiaroorartumik atuneq annertusiartuinnartoq akiorniarlugu, inersimasuniit, inuusuttuaqqat ajoraluaqisumillu meeqqat akuuleraluttuinnarnerat nassuerutigineqartariaqarpoq, taamaattumillu akiuiniarluni suliniutit annikillisinneqannginnissaat ATASSUT-miit pingartipparput.

Inatisissami anguniagaavoq, misissuisoqassatillugu akuersinikkut aatsaat allaganngorlugu pisassasoq, taamaattorli ilinniagaqartoq 18-it inorlugit ukioqarpat angajoqqaatut akisussaassuseqartunut saaffigineqarnissaaq kiisalu itigartitsisisoqarsimappat ilinniarfiup imaluunniit ilinniartut ineqarfiata ileqqorissaarnissamut malittarisat unioqqutinneqarsimanersut qulakkeerniarneqartassasut.

Naalakkersuisunit erseqqissarneqarpoq, ilinniagaqartuninik aangajaarniutininik ajornartorsiuteqartuninik pillaanarnertut isigineqassanngitsoq kisiannili atornerluinermik akuersaaginnarneq allanillu tungavilersuuteqarluni allannortikkusunneqarpoq.

ATASSUT-miit isumaqarpugut, ilinniartut kisimik matumani pineqarsinnaanngisut, ilinniartoqarfinnimi ilinniartullu inaanni aamma sulisunut tamanut atuuttariaqartoq, matumani kikkut tamarmik assigiimmik pineqartariaqartut ATASSUT-miit isumaqaratta.

ATASSUT-miit aarleqqutigarpugut, ilinniartut ikiaroorartumik attuinngisaannartut uupakaatitsinikkut qimatsivigineqarsinnaanerat ilinniarnernup kipitinneqarsinnaaneranik kinguneqarsinnaasoq. Taamaattumik misissuinermi akisussaasoq suliamik qularnaarinninniarnermi ajornartorsiuteqalersinnaavoq, immaqalu politiit matumani akuutinneqarsinnaaneranik kinguneqarsinnaanera ilimagineqarsinnaavoq.

Qinikkat ikiaroorartumik atuisuunnginnerput qulakkeertinniarlugu quisinneqartarnissamik isumaq puujuinnarneqassanngitsoq ATASSUT-miit eqqaasissutigissavarput. Politikkerit ilaat ikiaroorartumik misilliisarsimanerminnik atuisuusarsimanerminnillu namminneq nassuerutigisareerpaat, soq tamanna atorsinnaassanngilarput.

Atuarfeqarfinni allanilumi aangajaarniutininik atornerluineq annertusiartuinnavinneranillu oqariatorfigineqartarnerput qaangerniarutsigu ataatsimoorfigisariaqarparput.

ATASSUT-miit taamatut oqaaseqarluta, ataatsimiitaliami susassaqartumi inatsisissap aappassaaneerneqannginnermini peqqissaarullugu nalilersorluarneqarnissaa inassutigissavarput.